



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/07-04-41956-17/20
Sarajevo, 16.11.2020. godine

SLUŽBA ZA SKUPŠTINSKE POSLOVE
- OVDJE -

ZASTUPNIČKA INICIJATIVA:

Zastupnik Mirza Čelik je, uskladu sa članom 213. stav 1. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst, broj: 41/12, 15/13, 47/13, 47/15, 48/16, 9/20 i 14/20), na 30. Radnoj sjednici Skupštine Kantona Sarajevo, održanoj dana 03.11.2020. godine u okviru tačke Dnevnog reda „Poslanička/zastupnička pitanja, inicijative i odgovori“, uputio Vladi Kantona Sarajevo i Ministarstvu za obrazovanje, nauku i mlade, zastupničku inicijativu:

„Pokrećem inicijativu prema Ministarstvu obrazovanja, nauke i mladih da iz sredstava planiranih za Nabavku opreme planira sredstva u iznosu od 20.000 KM za „Uređenje dvorišta i asfaltiranje prostora oko Sedmeosnovne škole Blažuj“.

OBRAZLOŽENJE:

Značajna sredstva su uložena u ovu školu u proteklom periodu i radi se o novom objektu, te predlažem da se dovede u krajnju namjenu prema projektu i da to bude primjer kako treba izgledati novoizgrađeni objekat jedne škole.“

ODGOVOR:

Projekat dogradnje objekta JU Sedma osnovna škola Blažuj je realiziran u periodu 2008.-2018. godina. Tom prilikom dograđen je dio objekta sa učionicama, riješeno pitanje grijanja i sanacije dijela starog objekta. Takođe je izgrađena i opremljena sala za Tjelesni i zdravstveni odgoj u ovoj školi. Ovaj projekat je realiziran u suradnji sa Općinom Ilidža kao sufinansijerom. Vrijednost projekta sa opremanjem iznosila je cca 3.250.000 KM, od čega je Ministarstvo izdvojilo cca 2.240.000 KM, a Općina Ilidža cca 1.000.000 KM.

Članom 4. Sporazuma o sufinansiranju koji je potpisan u decembru mjesecu 2017. godine i aneksa istog, na osnovu kojih je Ministarstvo doznačilo Općini ukupan iznos od 650.000 KM (u 2017. i 2018. godini) za izgradnju sale i adaptaciju starog dijela objekta definisano je da će Općina Ilidža obezbijediti sredstva za ostale troškove u svom Budžetu za 2018. godinu.

U Budžetu Kantona Sarajevo za 2020. godinu na razdjelu Ministarstvo za obrazovanje, nauku i mlade ekonomski kod 821300 subanalitika LAX0B5 Ostala oprema, dobrena su sredstva u iznosu od 1.161.405 KM. Od toga iz Budžeta Kantona Sarajevo 201.000 KM i kredit i transfer 960.405 KM. Sredstva iz kredita su odobrena samo u iznosu od 300.000 KM za nabavku opreme za „Elektronski dnevnik“, a sredstva iz Budžeta Kantona Sarajevo u iznosu od 200.000 KM su obaveza prenešena iz 2019. godine za nabavku interaktivnih tabli. Raspoloživa sredstva u 2020.



godini su iznosila 1.000 KM od kojih je nabavljena kamera za potrebe kabineta Ministra za obrazovanje, nauku i mlade.

Mada, imajući u vidu vrstu radova za realizaciju ove inicijative, mišljenja smo da bi ova inicijativa trebala eventualno biti finansirana sa pozicije 821600 LAX 0B7 Rekonstrukcija i investiciono održavanje.

U zavisnosti od odobrenih sredstava u Budžetu Kantona Sarajevo za 2021. godinu, koji usvaja Skupština Kantona Sarajevo, ovo Ministarstvo će izvršiti analizu pristiglih zahtjeva ustanova iz nadležnosti i nakon utvrđivanja prioriteta odobriti sredstva.

MINISTAR

Mr. Anis Krivić

Dostaviti:

1. Naslovu
2. Stručna služba Vlade Kantona Sarajevo
3. Sekretar Ministarstva za obrazovanje, nauku i mlade Kantona Sarajevo
4. Arhiva



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128.
Fax: + 387 (0) 33 562-218
Sarajevo, Reisa Džemaludina Čauševića 1

